



Fedje kommune

Møtebok for Arbeidsmiljøutvalet

Møtedato: 11.11.2021
Møtestad: Møte vart halde på Teams
Møtetid: 14:00 - 15:00

Møtedeltakarar	Parti
Jan Torry Sande	
Lisbeth Stuberg	

Møtedeltakarar vara	Parti
Bjarte Villanger	

Forfall meldt frå følgjande medlemmar:	Parti
Dagrun Gunnarson	
Gjermund Hagesæter	
Torild Knappen Kahrs	
Øyvind Tolleshaug	

Følgjande møtte frå administrasjonen:
Kristin Handeland

Sakliste

Saknr	Tittel
007/21	Godkjenning av møteinnkalling og sakliste
008/21	Godkjenning av møtebok
009/21	Gjennomgong av avviksmeldingar om arbeidsmiljø i perioden 21.04.21 - 29.10.21
010/21	Kommunebudsjett 2022 og økonomiplan 2022-2025

Sakspapir

Sakshandsamar	Arkiv	ArkivsakID
Kristin Handeland	FE-033	21/494

Saksnr	Utval	Type	Dato
007/21	Arbeidsmiljøutvalet	PS	11.11.2021

Godkjenning av møteinnkalling og sakliste

Saksutgreiing:

Forslag til vedtak:

Møteinnkalling og sakliste vert godkjent.

Arbeidsmiljøutvalet - 007/21

AMU - behandling:

Kommentar til innkalling, foreslått av Jan Torry Sande,
Utvalet er bekymra for oppmøtet i dette møtet. Det er ikkje godt nok at berre tre stiller i møtet der budsjettet skal handsamast. Møtet vert likevel gjennomført grunna tidsfrist for handsaming av budsjett.

AMU - vedtak:

Utvalet er bekymra for oppmøtet i dette møtet. Det er ikkje godt nok at berre tre stiller i møtet der budsjettet skal handsamast. Møtet vert likevel gjennomført grunna tidsfrist for handsaming av budsjett.

Møteinnkalling og sakliste vert godkjent.

Samrøystes vedteke.

Sakspapir

Sakshandsamar	Arkiv	ArkivsakID
Kristin Handeland	FE-033	21/494

Saksnr	Utval	Type	Dato
008/21	Arbeidsmiljøutvalet	PS	11.11.2021

Godkjenning av møtebok

Vedlegg:

Protokoll - Arbeidsmiljøutvalet - 06.10.2021

Saksutgreiing:

Forslag til vedtak:

Møtebok frå sist møte vert godkjent.

Arbeidsmiljøutvalet - 008/21

AMU - behandling:

AMU - vedtak:

Møtebok frå sist møte vert godkjent.

Samrøystes vedteke.

Sakspapir

Sakshandsamar	Arkiv	ArkivsakID
Agnethe Sofie Nyhammer	FE-440	21/487

Saksnr	Utval	Type	Dato
009/21	Arbeidsmiljøutvalet	PS	11.11.2021

Gjennomgong av avviksmeldingar om arbeidsmiljø i perioden 21.04.21 - 29.10.21

Vedlegg:

Rapport avviksmeldingar som gjeld arbeidsmiljø 21.04.21-29.10.21

Saksutgreiing:

Bakgrunn

Fedje kommune har ei rutine for avviksregistrering vedteke 18.11.2011 og revidert i 2016 og 2019. Som ein del av oppfølgjinga skal AMU handsame innsamla statistikk over avviksmeldingar i Fedje kommune. Arbeidsmiljøutvalet kan be om å få meir informasjon og handsame enkeltavvik. I tråd med rutina skal avvika rapporterast til AMU på risikotal som gjeld tilsette/arbeidsmiljø (i motsetning til det som gjeld brukarar/teneste). Sjå vedlagte oversikt over avviksmeldingar i perioden 21.04.21 – 29.10.21.

Fedje kommune har saman med dei andre i kommunane i IKTNH kjøpt eit nytt kvalitetsstyringssystem frå Netpower. Dette innbefattar også eit elektronisk avviksmeldingssystem. Dette vil gjere det lettare for rådmannen og leiarane å halde kontinuerleg oversikt over avvikshandsaminga og internkontrollen, og vil gjere dei halvårlege rapportane til AMU enklare og noko annleis. Innføringa har vorte noko forseinka, men er forhåpentlegvis operativt frå februar 2022.

Vurdering

Det er svært ulikt kor aktivt einingane nyttar avviksmeldingar, og om dei systematisk vert lagt inn i websak og svart på skriftleg. Dei tilsette melder om mykje forskjellig, også ting som det ikkje er openbart at er avvik verken etter arbeidsmiljølov/forskrifter eller tenesterutinar. Men det har vore eit uttalt ynskje frå Fedje kommune å ha låg "terskel" for å melde avvik – fordi for få meldingar er verre enn for mange. Den vedlagte rapporten tek i utgangspunkt i den klassifisering som meldar og nærmaste leiar har gjort i avviket – både i forhold til om det gjeld teneste (som ikkje skal til AMU) eller arbeidsmiljø, og vurderinga av konsekvens og kor sannsynleg det er at det vil skje igjen. Arbeidet med internkontroll er ein kontinuerleg prosess – både med forbetring av tenester og arbeidsmiljø, men også med forbetring av sjølve internkontrollen og oppfølgjinga av denne. Me ser at nokre einingar nyttar det svært aktivt, som pleie og omsorg. Eit av områda som vil verte betre med nytt kvalitetsstyringssystem, er rådmannen sin moglegheit for jamleg oppfølging og oversikt, også over tenesteavvik.

Konklusjon

Avviksrapporten viser ingen alvorleg svikt i arbeidsmiljøet som ikkje er handtert og lukka i perioden.

Forslag til vedtak:

Arbeidsmiljøutvalet tek oversikt over avviksmeldingar frå 21.04.21 – 29.10.21 til orientering.

Arbeidsmiljøutvalet - 009/21

AMU - behandling:

AMU - vedtak:

Arbeidsmiljøutvalet tek oversikt over avviksmeldingar frå 21.04.21 – 29.10.21 til orientering.

Samrøystes.

Sakspapir

Sakshandsamar	Arkiv	ArkivsakID
Gjermund Hagesæter		21/488

Saksnr	Utval	Type	Dato
010/21	Arbeidsmiljøutvalet	PS	11.11.2021
008/21	Eldrerådet	PS	09.11.2021
018/21	Ungdomsrådet	PS	01.11.2021
109/21	Formannskapet	PS	23.11.2021
	Kommunestyret	PS	

Kommunebudsjett 2022 og økonomiplan 2022-2025

Vedlegg:

Samla budsjettdokument 2022

Saksutgreiing:

Saksopplysningar

Rådmannen fremmar i denne saka sitt framlegg til kommunebudsjett 2022 og økonomiplan for perioden 2022-2025 i same dokument. Vurderingar og konklusjonar er i sin heilskap tekne inn som del av dokumentet.

Før tilleggsproposisjon frå Ap/Sp-regjeringa er sendt Stortinget måndag 8/11-21, er veksten for Fedje kommune i frie inntekter under det halve av landsgjennomsnittet. Dette er ein konsekvens av negativ folketalsutvikling. Konsekvensane av dette gjer at rådmannen igjen legg fram eit stramt budsjett som legg opp til ein vidareføring av tenestetilbodet på ca. same nivå som det er i dag.

Særleg ber rådmannen kommunestyret merke seg:

- Tal tilsette ved Fedje barnehage vil vere ca 1,8 årsverk lågare ved inngangen til 2022 enn det var ved inngangen til 2021.
- Me må vurdere ytterlegare reduksjon av tal tilsette neste skuleår, mellom anna ved å sjå på organiseringa av SFO.
- Ny legeteneste vil ha om lag same driftskostnader som ei vidareføring av tidlegare legeteneste ville gitt, men her er det fortsatt noko usikkerheit.

Budsjettet 2022 er oppgjort med eit netto driftsresultat på kr 433 000,-, noko som er langt mindre enn det KS tilrår at kommunane skal ha. Rådmannen meiner likevel dette er forsvarleg, og trur det er grunn til å håpe at dette talet kan forbetra seg noko når tilleggsproposisjon til statsbudsjettet vert fremma og handsama i Stortinget. Premieavvik og innbetalingar til KLP neste år kan også endra seg

noko, og her ventar me på ei ny oversikt frå KLP seinare i år. Utsiktene etter 2022 er også krevjande. Dette gjer at rådmannen i prosessen for budsjettet 2022 har vurdert å foreslå innføring av eigedomsskatt på næring, samt hytter og hus i Fedje kommune. Etter ei totalvurdering vert dette i denne omgang likevel ikkje føreslått. Også andre tiltak som kan auke inntektene er vurdert, men er ikkje inne som ein del av budsjettframlegget.

Vurdering

Kommunebudsjett 2022 og økonomiplan 2022 – 2025 er grundig sakshandsama både i utvida leiargruppe, personalleiargruppa og i stabsgruppa. Dei hovudtillitsvalde har også blitt orientert om hovudtala i budsjettet. Framlegget vert sendt ut til alle folkevalde, verneombod, hovudtillitsvalde og einingsleiarar, samt vert lagt ut på heimesidene til kommunen. Kommunebudsjettet og økonomiplanen vert sendt på høyring/uttale til eldreråd, arbeidsmiljøutval og ungdomsråd, og behandla der før saka kjem til handsaming i formannskap og kommunestyre. Rådmannen meiner på bakgrunn av dette at kommunebudsjett 2022 og økonomiplan 2022 – 2025 er så godt opplyst som mogeleg og dermed klar til politisk handsaming.

Folkehelse: Godt ivaretatt

Miljø: Godt ivaretatt

Økonomi: Stramt men forsvarleg

Konklusjon

Rådmannen rår til at kommunebudsjett 2022 og økonomiplan 2022-2025 vert vedteke slik det ligg føre.

Forslag til vedtak:

Kommunebudsjett 2022 og økonomiplan 2022-2025 vert vedteke slik det ligg føre.

Ungdomsrådet - 018/21

U - behandling:

Felles framlegg:

Ungdomsrådet ønskjer at kommunestyret setter av midlar til faste, løpande kostnader som internett/fiber, reinhald, installering av fleire stikk-kontaktar og vedlikehald av ungdomsklubben. Ungdomsrådet ber og om ein pott til innkjøp av saker som racingsimulator, prosjektor, biljardbord mm for å skape fleire aktivitetar, på ca. 50 000 kr. Samrøystes vedteke.

Ungdomsrådet ønskjer at kommunen sett av midlar til tetting av toalettrom (dør og vegg) i lokalet til ungdomsklubben. Samrøystes vedteke.

Ungdomsrådet ønskjer seg betre vegar i kommunen. Vedtaksframlegget falt samrøystes.

U - vedtak:

Ungdomsrådet ønskjer at kommunestyret setter av midlar til faste, løpande kostnadar som internett/fiber, reinhald, installering av fleire stikk-kontaktar og vedlikehald av ungdomsklubben. Ungdomsrådet ber og om ein pott til innkjøp av saker som racingsimulator, prosjektor, biljardbord mm for å skape fleire aktivitetar, på ca. 50 000 kr.

Ungdomsrådet ønskjer at kommunen sett av midlar til tetting av toalettrom (dør og vegg) i lokalet til ungdomsklubben.

Samrøystes vedteke.

Eldrerådet - 008/21

ELD - behandling:

ELD - vedtak:

Kommunebudsjett 2022 og økonomiplan 2022-2025 vert vedteke slik det ligg føre.

Samrøystes vedteke.

Arbeidsmiljøutvalet - 010/21

AMU - behandling:

Kommentar til budsjett, foreslått av Jan Torry Sande,

AMU ønskjer at det vert byrja ein prosess mot å samle dei tilsette i administrasjonen i første etasje i Gamlebankjen. Årsaka er at inneklimaet i "kommunehuset" er blitt mykje dårlegare dei siste åra. Ei forklaring på at inneklimaet er verre no er hyppige lekkasjeprosjekt ved nedbør.

Skulen har teke relativt store budsjettkutt dei siste åra. Det er lagt opp til eit ytterlegare kutt på 500000 kr for 2022. AMU er bekymra for at dette kuttet vil medføre negative konsekvensar for drifta, og arbeidsmiljøet.

AMU - vedtak:

Kommunebudsjett 2022 og økonomiplan 2022-2025 vert vedteke med to endringar:

AMU ønskjer at det vert byrja ein prosess mot å samle dei tilsette i administrasjonen i første etasje i Gamlebankjen. Årsaka er at inneklimaet i "kommunehuset" er blitt mykje dårlegare dei siste åra. Ei forklaring på at inneklimaet er verre no er hyppige lekkasjeprosjekt ved nedbør.

Skulen har teke relativt store budsjettkutt dei siste åra. Det er lagt opp til eit ytterlegare kutt på 500000 kr for 2022. AMU er bekymra for at dette kuttet vil medføre negative konsekvensar for drifta, og arbeidsmiljøet.

Samrøystes vedteke.